



Future-proofing our children

Sekolo sa Tshipi – Thuto 3

Setlhogo

“Jeso o phepafatsa tempele”

Mokaedi wa batsadi
Sekolo sa Tshipi ithutelo lapeng



Go Motsadi

O a amogelesega mo “**Morena Jeso o tsamaya godimo ga metsi**” Thuto ya sekolo sa Tshipi.

Mokwalo o o go fa thutuntsho e potlana gore o ka ruta jang thuto e.

O ka ipaakanya le go ruta thuto e jang

Fa tlase ke maele a go ipaakanya le go ruta thuto e:

Kgato	Tiriso
1.	Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp: https://bit.ly/3NACSSHS
2.	Kgobokanya di dirisiwa tse di latelang go netefatsa fa o ipaakanyeditse thuto e: • Baebele • Mokwalo wa thuto wa PDF o o setseng o baakantswe. • Pena, metako le lekwalo la ngwana, etc. Ela tlhoko: 2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tsweledisa lenaneo. 2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wa gago botoka! <i>Tirelo ya sekolo sa tshipi ga e hete metsotso e 45</i> . 2.3: Thuto e lebaganye (Sekolo sa Tshipi 1). 2.4: O ka kopa thuso mo morutabana wa gago wa sekolo sa Tshipi fa o tlhoka thuso.
3.	Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.
4.	Dira seemo se se siameng, se se senang dikgoreletsi se wena le bana/ngwana le leng fa go tshwanang.



	<i>Sekai:</i> Nhang mo tafoleng kana mo phateng.
5.	Bala thuto. E bale gape gore o e tlhaloganye. Lebelela setshwantsho sa motshikinyego go re o tlhaloganye botoka.
6.	Kwala dintlha tse o batlang go di gakologelwa.



Go ruta thuto ya sekolo sa Tshipi mo lapeng

O ka ipaakanya le go ruta thuto e jang

Re tswelela ka go abalana maele a go ipaakanya le go ruta thuto e:

Kgato	Tiriso
7.	Tlhaloganya maikaelelo a thuto a e leng gore ngwana wa gago o tshwanetse go a gakologelwa.
8.	Ruta ngwana wa gago thuto, o ka nna wa e bala jaaka polelo
9.	Supegetsa ngwana wa gago setshwantso sa motshikinyego mme o soboke molaetsa.
10.	Laela ngwana go dira tekeletso e mo lokwalong la gagwe la ikatiso (Tla Morena Jeso
11.	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya SS 1.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlotlhomisa ka thuto e gore o nne le kitso e e oketsegileng



Thuto

Setlhogo	Morena Jeso o phepafatsa tempele
Temana	Johane 2 v 13 – 25

Maikaelelo a thuto	Jeso o tsaya maikarabelo a go itshepisa tempele, ntlo ya Modimo. Moya wa Modimo o nna mo pelong tsa rona – Seo se raya gore dipelo tsa rona ke tempele. Re batla go baya tempele ya Modimo le dipelo tsa rona gore di nne di itshephile.
---------------------------	---

Tshoboko ya thuto:

Jeso le barutwana ba ne baya ko tempeleng go ya go rapela.

Ene e le Paseka mme tempele e ne e tletse ka batho. Go ne go le modumo fela thata. Barutwana ba leba Jeso bone ba tsaya gore o tla itumela a bona batho ba tletse ka tempele. Mme Jeso o ne a sa lebege a itumetse gotlhelele.

O itse gore ke ka go reng a ne a sa itumela? Ke ka gore batho baba neng ba le mo tempeleng ba ne ba le pelo tshetlha. Ba ne ba leka go dira madi a mantsi mo bathing baba neng ba tlile go rapela Modimo.

Jeso a diga ditafole tsa bone madi a sala a gasame fa fatshe. Gape a dira thupa ka megala a alola diphologolo go di ntsha mo tempeleng. A bo a re: “Lesang go dira ntlo ya ga Rre marekisetso a go dira madi.”

Batho ba botsa: Jeso o itlhaya a re ene ke mang? Ke mang yo o mo fileng tletla ya go itshola jaana.

Jeso a ba bolelela gore tempele e tla a senngwa mme e bo e agilwe gape mo malatsing a le mararo.

Batho ba tshega. Go ba tsere ngwaga tse 46 go aga tempele e. Ba seka ba tlhaloganya

Mme Jeso o ne a raya gore **mmele wa gagwe, o le one e leng tempele** gonne Modimo o nna mo pelong ya gagwe, o tla bapolwa a bo a swa, mme o tla tsoga morago ga malatsi a mararo. A motlholo.



Thuto e e raya eng mo go rona tsatsi jeno?

Thuto e batla go re ruta eng?

- Ntlo ya godimo e tshwanetse go nna lefelo la go galaletsa le go rapela Modimo. Ke lefelo le le boitshepo. Ga re a tshwanela go gweba mo ntlung ya Modimo.
- Re itshola jang mo ntlung ya Modimo? A re e baya e itshephile?
- Jeso o ne a re mmele wa gagwe ke “Tempele”. Ke ka gobo Modimo a nna mo go yone.
- Modimo o tshela mo pelong tsa rona. Go raya gore mmele wa rona le one ke Tempele. Re tshwanetse go lwantsh tsothle tse di ka re kgaoganyang le Modimo.
- Jeso ke morutabana yo mogolo. O re ruta gore re itshole jang pele ga Modimo.

Dipotso tse re ka di botsang:

- O itse gore ke ka go reng Jeso a ne a tenegile ebile a itshola jaana?

Karabo: Jeso o tlhologanya gore tempele ke lefelo la go rorisa Modimo. E seka ya nna lefelo la kgwebo. E tshwanetse go nna e Itshephisitswe. Jeso o ne a ikemiseditse go lwa gore tempele e itshephisiwe.

- Jeso o ne a re o tla aga tempele mo malatsing a mararo? Mme ga go kgonege go aga tempele mo nakong e khutshwane jalo. O akanya gore o ne a raya eng?

Karabo: Jeso o ne a sa bue ka go agiwa ga tempele. O ne a raya mmele wa gagwe a re tempele. Ke ka gore tempele ke ntlo ya Modimo. Modimo o tshela mo pelong tsa rona. Jeso o ne a aga tempele— O ne a bapolwa mme a tsoga morago ga malatsi a mararo.

- Re itshola jang mo ntlung ya Modimo?

Karabo: Re na le tlotlo mo ntlung ya Modimo. Re tlhomamisa gore e a itshephisiwa ka nako tsothle. Re thusa gape go phepafatsa ntlo ya Modimo. Kopelo ya rona ke tsela ya go rorisa Modimo. Re lebelela Jeso e le sekai sa rona. Ke Morutabana wa rona.



Thapelo ya ga Rre le Mme le pele ga thuto:

Modimo o rategang, ke lebogela letsasti le

Segofatsa batsadi le bana botlhe

Mma re ikutlwele boleng teng jwa gago

Segofatsa thuto e re yang go e amogela

Re kopa o re rute go go direla

Re thuse go dira thato ya gago

Gore re golele gaufi le wena

Romela Jeso go tla go re tsaya

Mme re bo re ipaakanyeditse go mo kgatlhantsha

Amen

